

৭৮

আরো চাই যে আরো চাই গো
আরো যে চাই ।

ভাগুরী যে সুধা আমায়
বিতরে নাই ।

সকাল বেলার আলোয় ভরা
এই যে আকাশ বসুন্ধরা
এরে আমার জীবন মাঝে
কুড়ানো চাই—

সকল ধন যে বাইরে আমার
ভিতরে নাই ।

ভাগুরী যে সুধা আমায়
বিতরে নাই ॥

গীতি-মালা

প্রাণের বীণায় আরো আঘাত
আরো যে চাই ।

গুণীর পরশ পেয়ে সে যে
শিহরে নাই ।

দিন রজনীর বাঁশি পূরে
যে গান বাজে অসীম সুরে,
তা'রে আমার প্রাণের তারে
বাজানে! চাই ।

আপন গান যে দূরে তাহার
নিয়ড়ে নাই ।

গুণীর পরশ পেয়ে সে যে
শিহরে নাই ॥

শান্তিনিকেতন

৮ই চৈত্র, ১৩২০ ।